

香山縣志

香山縣志序

考諸封建之世國無大小各有史官秦以來郡縣天下而列國之史廢風俗一書肇自東京後之人踵其法因職方之所隸詳載其疆域人民官師貢賦謠俗嗜好之各殊取扶風漢史之一體而名之曰志然則志之作也其猶史氏之遺乎今

皇上統一函夏拓地廣於曩代命官敷治無間遠邇翰迺得以韉材學製待舉香山香山僻處邊徼大海環其外或疑德化未易覃被上賴文武諸大吏以及良二千石宣威布愷下吏敬承風旨可以為所得為翰竊幸受事來墾地日益訟獄日損科第蔚興寡廉鮮耻之事不作日與僚屬交勉以職業與士課文藝與民行鄉飲酒禮朔望講讀

聖諭迪之罔弗勸董之罔弗懲未聞以不率煩大憂者然

序

後知

德化所覃被至深且遠也縣舊有志成於盛明嘉靖間距今百數十年時代既易制置亦殊

天子目營四海可保和殿大學士奏

勅直省郡縣修輯志書上之史館彙成一統志翰恭逢盛事思以上副

朝廷采風問俗之意是用稽諸典籍旁及方聞惜資哲匠剖析義例自夏徂冬歷三時而告厥成焉雖見聞寡陋不免保殘守缺之譏而一時公論出其中萬世公論出其中亦期不悖於史氏之遺意而已矣

昔癸丑冬十有一月知香山縣事申良翰謹序

香山縣志目錄

知縣 王祚貞 纂修

典史 呂從仁 校訂

輿地 董刻

卷之一 縣全圖 縣治圖 學宮圖 前山寨圖

濠鏡澳圖 沿革圖 星野圖

形勝 山川 水土 疆域

潮汐 陵墓 氣候 井泉 風俗

卷之二 建置 倉庫 學宮 坊表 城池 教場 都圖

公署 行署 附 墟市 關梁 津渡

壇廟 倉庫 學宮 坊表 城池 教場 都圖

勝蹟 八景 附 墟市 關梁 津渡

卷之三 食貨 附 墟市 關梁 津渡

香山縣志目錄

一

卷之四 秩官 鹽法 附寄庄 稅糧 賦役

物產 鹽法 附寄庄 稅糧 賦役

卷之五 宦蹟 訓導 主簿 典史 雜職

教諭 縣丞 主簿 典史 雜職

卷之六 列傳 武職 列傳 雜職

縣尹 列傳 武職 列傳 雜職

卷之七 列傳 武職 列傳 雜職

教職 列傳 武職 列傳 雜職

卷之八 列傳 武職 列傳 雜職

雜職 列傳 武職 列傳 雜職

卷之九 選舉 進士 鄉舉 歲貢

薦辟 進士 鄉舉 歲貢

恩貢 拔貢 例薦

武舉 武勳 吏材 封贈

卷之七 廕人物 例授 名臣列傳二十八人 高士列傳十人 名賢列傳二十四人

孝子列傳三人 義勇列傳九人 耆壽列傳十三人 高士列傳十人 列女列傳十七人

卷之八 藝文 議一 牒文一首

疏三首 引三首 記十首 賦一首 文一首

序三首 銘一首 碑五首 告辭一首

卷之九 兵防 屯田 前山寨 營堡

詩百十四首 屯田 前山寨 營堡

香山縣志目錄 二

卷之十 外志

汛哨 祥異 寺觀 仙釋 藝術 述聞

集中人物藝文兩卷或原本不載年歲或哀輯 時分蚤暮間有先後舛錯釐正未遑願俟異日

香山縣志目錄 終

香山縣志舊序

邑人黃佐撰

夫志何為者也其殆肇諸周官乎太宰以六典佐治而大司徒掌土地之圖人民之數於賔興野能尤數焉庶富而施教典故當爾也乃保章之辨封域春官統之職方之圖民物夏官統之司民之登版秋官統之匠人之授田冬官統之六典之書則掌於太史凡辨法者考焉邦國四方之志則承其流者也周之郅隆其以人才為本者與志之作也其斯而已矣周官法度久廢不行迄漢建武中始詔南陽撰作風俗故沛三輔有耆舊節士之序魯廬江有名德先賢之贊郡國之書由是彬如也其存而傳者袁康之越絕書惟重計倪常璩之華陽志博收名士由是言之志而舍人才尚何志哉我聖祖開天召儒修志總以太史固周官法度也文獻昭垂三百禩關睢麟趾之意洽而菁莪棫樸之治成矣逮今皇

香山縣志序

一

上重光先烈化洽四海凡有土地人民政事者必務得人焉有徒志而文者市人猶且得而誹之敝邑褊小僻在海嶼未可謂無人顧簡冊久佚可使寂而隳與舊志創自永樂中邑人容君悌與迄成化甲辰庠生黃君經增損以為新志詳於鳥獸草木而名宦人物則畧至是賢令文巖鄧君復延縣文學齊君啓和郎君良胡君禮開局纂修補其未備俾予裁定予方在謝未能也乃令門人楊上舍維震輩撰次論贊比及祥禫躬為潤色昭其晦芟其蕪立綱振目稍可觀省凡八卷云是故風土以觀美惡民物以察登耗政事以審弛張教化以知興替黎獻以考盛衰藝文以備徵信雜志以辨妖祥一邑之事亦畧具矣矧邑負仁山以施仁政周官之本其在茲哉予不敏忝從太史氏後是用僭言於首

香山縣志卷之一

知香山縣事申良翰纂修

香山縣儒學教諭歐陽羽文編輯

輿地志總序

縣全圖 縣治圖 學宮圖 前山寨圖

濠鏡澳圖 沿革 星野 疆域 形勝

山川 水土 井泉 潮汐 陵墓

氣候 風俗

序曰人不天不因天不人不古志之矣香山治者古東筦香山鎮也其都里或割之南海或割之番禺新會按圖觀之皆境內土也南北縱之得百幾十里東西橫得百幾十里其外繚以大海而其他都里附之此土之外犬牙錯入他縣者蓋無幾香之宜為縣人也而天實為之非按圖不能知也古之學者左挾


香山縣志

卷之一


一


圖右抱書是以知其險易知其近遠知其肥瘠高下而後政治之張弛緩急輕重布之今為圖附焉於是之或沿或革人也其所以宜澳宜寨宜學宜沿宜革者皆天也古之為治者以地準天以天正地或揆之以日或測之以星然後相陰陽觀流泉陟巘降原契龜洽筴而後民居可得而定也因析彝隩可得而時也息游啓閉可得而依也墳壤白黑可得而別也夫然後天心順地宜得寒暑均風雨時去其沴矣流其惡瀦是以民無瘡癘物無天札禮樂成而歌頌起矣今之志分野揆測之意也志山川形勝陟隩降原之意也疆域以定其界山川以臚其名形勝以明其勢而後圖之所載犁然畢備且夫川流山峙者天也山憑之或帶之或導之以為利守之以為險皆人也山

有井泉以疏以鑿有丘墓以封以樹水有潮汐以迎
以候所以教民遠斥鹵利舟楫設網罟而養生送死
也若夫山斜水繆嵐霧噴薄鬱之則溼蒸之則熱足
以中肌膚噤毛髮者則歸之氣候氣候出之者天參
之者地亦猶風俗然人為之而亦由地與天何也其
貞淫淑慝者人也然而千里不同風百里不同族豈
惟千百里哉五家之衆一閔之市皆有之是故君子
之治民也不教粵廬不教燕罇調燮克友之道則有
之夫然後上以為風而下以為俗風俗成而天人之
道備矣





香山县志图







香山县志图






香山县志图






香山县志图



香山县志图



沿革

香山古楊越地本禹貢揚州之外境秦始皇三十三年
 分揚越為桂林象南海三郡其時香地屬南海秦末趙
 尉佗據郡稱南越王拆南海郡置番禺縣香地隸焉晉
 成帝咸和六年拆南海之東為東官郡晉恭帝元熙二
 年復拆南海之西為新會郡地又分屬焉新會郡置封
 樂封平二縣封樂為今縣之西南谷字等都封平為今
 縣之古鎮都若大欖小欖則屬南海黃圃潭洲則屬番
 禺黃角則屬東筦郡也隋開皇十年廢東筦郡為寶安
 縣新會郡為岡州香地全屬南海唐至德二年更寶安
 為東筦縣設鎮香山是為文順鄉專屬東筦文順鄉為今之仁厚
恭常谷字等都皆屬東筦其餘各
鄉都仍前分屬南番口州宋元豐五年廣東運判徐九思用進
 士梁杞言杞香山人請建為縣不果行止設寨官一員仍屬東
 筦宋紹興二十二年進士陳天覺覺香山人建言請改鎮為縣

香山縣志

卷之一

三

以便輸納東筦縣令姚孝資以其言得請於朝遂割南
 海番禺東筦新會四縣地隸之仍鎮名為香山縣屬廣
 州府元至元十九年改為廣州路明朝洪武元年平定
 嶺南設廣東行中書省九年改中書省為布政司地屬
 嶺南道廣州府

星野

舊志云天文分野星紀之分當應南斗十一度女七度
於辰為丑鄭玄云分野之占星紀為吳越南斗牽牛星
紀也廣州為越明矣范曄云星紀起斗十二度至須女
七度於辰在丑吳越之分野屬楊州焉後之以事變驗
分野者則曰漢景帝元年金水合於婺女婺女越也二
年水火合於斗斗吳也又為粵故周亞夫破七國吳王
亡走粵粵攻殺之此其驗也其後熒惑守南斗而越相
呂嘉弑其王及太后梁大通中熒惑在南斗而嶺南賊
起大同中彗出南斗而李賁反於交州發吳越兵討之
益信其屬斗非誣然余考今世占玩諸書皆以斗屬吳
牛屬江淮之間女耑屬越自錢塘以東連閩及粵似與
范曄之言口蓋星紀在天起於斗而終於女其應在地
起於吳而終於越爾然或疑嶺外曠遠非一次所及况

香山縣志

卷之一

四

蕞爾一邑烏足當之則必日月不照容光容光不照非
日月矣吾故論次其言庶幾觀星者因其分野以為一
邑脩備焉得云天道渺遠儒者所不敢知乎

疆域

北至廣州府城四百里而遙新志北至鴻鴈海尾海二

百里及抵紫泥巡檢司乃番禺地界水程約二日

西北至南海縣泌冲都一百二十里而近

西北至順德縣治一百二十里水程一日半

東北至東莞縣治三百里而遙水程二日餘南海衛同

東南至東莞縣界大奚山一百五十里而遙

東至新安縣靖康歸德一百里而近新志東至零丁洋

一百六十里為新安界

西至新會縣治一百五十里而近西至鰲鱣瀝海九十

里為新會縣界水程一日至新會縣治

西南至新寧縣潮居都一百八十里而近新志西南到

入京師七千八百八十五里水驛七十二馬驛十九皆

香山縣志

卷之一

五

自北路而達

摠按地方廣二百九十二里袤二百一十二里海嶼周

迴凡七百里陸路東至大字都鷄拍村西至龍眼都

疊石村南至恭常都沙尾村北抵縣港為水道通廣

府河道

形勝

君子之登臨也有樂焉有憂焉望其山川玩其雲物茹
幽而擷秀欣然樂也至於茂林叢薄不有鳴張而狐伏
者平南望引領稽天浴日不見邊際不有長鯨恠鱔將
乘風藉浪以肆其毒於吾民者乎於是盡然憂之且忘
其樂也是故志吾香者不志其樂志其憂志其憂者不
志其緩志其急香之急誠在海矣故於海獨詳焉
濠鏡澳者邑之南陲孤懸海上者也陸行百二十里可
至設關焉關之外割而住海外諸番者千有餘家諸番
人隨山勢高下築宮室樹卉木結臺榭月有廩給食吾
香之粟而居積其貨番舩來往萬里倏忽有司不得稽
按先臣龐一鵬嘗憂之疏見藝文志
入關而東沿乎海者吾香東陲也曰吉大有砲臺迤北
曰鷄拍有砲臺曰角頭山有砲臺又迤北曰平頂有砲

香山縣志

卷之一

六

臺曰涌口門有砲臺又極北曰東洲門在邑之東北極
矣其插入於海也望之如牛角然自東洲迤西曰榕
樹門則入縣正北矣自榕樹門來者有二港一曰小隱
口再曰東濠口今两口為之設哨船矣两口之間曰水
洲山山設砲臺以扼其中哨两口以張其翼曰是固吾
北維乎而榕樹之外獨缺東洲之守是捨其極衝而防
其次衝也防其正北而拾其東北也是可憂也
自東濠口而西曰縣港口水由番筦來至浮虛鋪錦之
海而極濶至是稍收焉直吾香之西北也謂其直入吾
縣設哨焉使番筦嚴哨握其外吾香於黃角黃圃握其
衝則犄角成而縣之西北固矣夫番筦豈不誠內地乎
然檣帆風馬咫尺千里恐呼之或不及顛之或不應未
可紓吾憂也
自縣港口而入曰張婆澳有砲臺又稍入置柵水中曰

上柵憂其寇之闌入也亦憂其奸之逸出也又入則縣治矣過縣治而南曰沙涌曰下柵其制猶之上柵也又南曰曲涌有砲臺又南曰第一角海邑之西南門戶也有哨焉昔之人曰花茂曾守此矣則未知其僅二三哨船焉否也

自第一角而南望盡遷沒矣山島聳峙曠無人烟迤東地勢稍折而入曰北臺曰深灣有砲臺焉又迤東曰蠔殼頭蠔殼之插而入於海之南向西猶東洲門之插而入於海之東向北也蠔殼而西望會之厓門猶東洲東望筦之虎頭門也捨蠔殼不守守第一角猶捨東洲門不守守榕樹門以內也非不守也力不及也是可憂也由蠔殼又東曰南野角曰蔴子埔有砲臺曰茅灣村有砲臺曰秋風角有砲臺又東則香山寨矣有鎮兵以分其憂者此也過寨而東邑之迤南盡矣又為吉大

香山縣志

卷之一

七

環香皆水也猶之廣郡諸縣落之皆水也縣治而外其附近者曰龍眼都縣治在其東龍眼在其西龍眼之西亦縣之西阻沙為口曰象角口有哨焉有臺焉自象角口入而近乎縣也曰獅子滄有哨焉出象角而南曰竹仔林有哨焉是皆縣之西陲也自象角口而西北望原田錯繡曰大欖都則入於內而近順德矣有臺焉有哨焉自竹仔林而西北望曰古鎮鎮近新會有嘉焉有哨焉自竹仔林而南望層巒曰黃梁都民已遷矣地已墟矣可不憂黃梁夫必遷其民墟其地而後可不也此豈設險守國意耶

地必有形廣狹大小袤延險易皆形也有形而後有勝守此可以兼彼策此可以應彼故曰勝也香浮海中寸寸可也尺尺宜守也於是因其有口者以駐哨哨即勝也因其地之梢高可望者以築臺臺即勝也然而臺

不數人哨不數舟臺之相去或十里或數十里舟之相
去近或數十里遠或百里以為傳烽遞警可也
以之截殺堵禦則踈焉矣况其地廣大而多山川之
會寧三縣之口棄而弗守尤有可憂者存焉故曰形勝
志憂也

香山縣志

卷之一

八

山川

仁山在城內位子其陽為縣治上有書院其陰為仕學臺其左曰豐樂園今臺園久廢其北曰慶壽山城跨其上前有無量寺東南曰豐山昔僅培塿近民居已平西曰武山城垣跨之上為戰臺今毀其三平於築城時是謂七星峰
大北山在縣東一里平遠延綿東界牛起灣南北皆田西曰蓮峰其高數十丈即舊寨山也元偽千戶王一據之元末海賊李祖三盧實善相繼刼掠宣差朶羅歹屯守其上
南濠雲亭峰西北臨田其上北曰金鼓角山昔海隅嘗聞金鼓之聲故云金鼓朝陽列八景
插笏山一名獺窟在縣北一里峙海之旁四面接田設有烽堠舊有西林菴

香山縣志

卷之一

九

石岐山在縣西北一里原設有烽堠遙與蓮峰相對土燥多石直抵於海其陽為何學士赤松堂
老安山在縣西南半里為縣水口衝要西臨于海
筆架山在縣南一里三峰聳秀中峰特出其上後易名東林黃經構山海齋誦讀其下易名東林與西林對
長洲山在縣西二里四水中石岐海東西濠濬西獅子
貴峰山本名大尖山在縣南四十里高三百餘丈為縣治之前案其東有野牛徑南有小尖峰箬葉嶺
壽星塘山在縣南二十里塘水方數畝山在其陰舊傳蓬萊仙寓此見藝文志西有宋疑塚在墳頭岡梅花水出焉其陽為六十陂大嶺石溪瀑布出焉又瀦為大龍潭自柯本口至版道馬鞍嶺而伏虎岡仙人障出焉越龍袞坑至西坑尾望鹿石三株松嶺以抵於

碧雲峰皆仙靈所宅也

金紫山在縣東南十里伏虎岡北嘗有石泉寒冽不竭

八景金紫巖溜

北壹山在縣南四十里東接貴峰西臨海梅花水北下

南壹山在縣南六十里梅花水南與北臺對峙南壹秋

月見八景有觀音巖

香鑪山在縣南六十里峰嵯幽峻東介白銀水西赴海

北為南壹至橫坑南接嶺山牛石有筒瀑布出

焉下為大井以抵於冲天燕峰其西為沙角徑

湖洲山在縣南二十里孤峭臨海一名文筆八景阜峰

文筆

灣月山在縣南二十里又名鹿鳴嶺與湖洲山相接羣

鴻鶴嶺山一名鴻鶴尖秀峰插天三面臨海

香山縣志

卷之一

十

右山俱良字都十里內

象角山在縣西十里西北臨海舊志宋亡時一夜號慟

至曉見小石室立於上俗呼佛仔屋

石門山郡志作石門掩峒在縣西十里東臨海

疊石山在縣西十餘里龍自新會圭峰渡海而來石骨

嶙峋為縣治右弼之障

青蘆山在縣西南七里高潔雄偉

右山俱龍眼都三十里內

烏巖山在縣東南六十里東抵雲梯諸山赴海西介香

鑪北為千秋嶺紅旗峒西北抵相合山至于海嶺巖

崖幽暗人跡罕至宋末鄧光薦避元亂居此題詩於

崖見藝文志

長江山在縣東南三十里其山高聳南接烏巖衆水出焉

北合神涌入於海又有相合山峭峻形肖上有劉公

峯

紫馬嶺四面皆田地接庫涌嶺有天池芰荷見八景舊

志云元末浚南濠此池涸

萌尾山在縣東南五十里其西為蠓頭北臨海烽堠

大園山在縣東南四十里南接八廉障西為神涌海上

有山曰三洲

右山得能都東六十里內

烟筒山在縣東五十里上有石巖清泉出焉俗呼盧亭

井

四巖山在縣東六十里高聳北臨海其東曰日角山三

面臨海

東洲山在縣東七十里海中潮汐湍激舟不可渡曰東

洲門其上北海中曰壺頭山與東筦交界海中有大

小虎頭門以形似名即秀山也

香山縣志

卷之一

一十一

右山四字都東七十里內

黃道山在縣東二十里西村奇秀高潔宋黃道人修道

故址也下有新美齋為鄉人王蔣陳梁義塾

雲梯山在縣東七十里張許二道人嘗結庵絕頂今石

扁猶存

平山山在縣東八十里臨海一名東山

南萌山在縣東八十里東北臨海近豐阜湖

右山大字都東七十里內

葫蘆山在縣南八十三里石壁峭立如門其勢甚峻林

木陰森行人樵夫憇焉又有佛屋門其東北曰東嶺

北接烏巖其西南曰西嶺北接香鑪而山益盤蔚西

嶺之陽有水射嶺瀑布南注其南有北含山

大芒山在縣南九十里雍陌村勢如奔龍昂首睨于巨

海

飛	南	望	嶺	香	鳳	稜	五
左	艘	山	石	山	之	角	桂
為	如	藍	牛	祖	塘	山	山
落	旗	屏	嶺	山	罔	在	在
霞	至	之	在	舊	西	縣	縣
峰	海	南	香	傳	為	東	南
下	門	場	山	有	金	八	八
有	突	前	場	仙	竹	十	十
開	起	藍	後	女	園	二	五
元	羣	屏	風	池	白	古	里
梅	岫	山	門	仙	蟻	磁	為
花	隔	上	凹	果	石	器	谷
諸	九	南	嶺	或	古	曰	字
泉	星	高	烽	人	壑	南	恭
	大	深	堠	見	諸	野	常
	洋	大	銀	之	峰	角	各
	內	嶺	涌	其	南	有	都
	包	頭	角	陽	赴	石	諸
	鄉	峰	峰	有	海	俗	勝
	都	烽	山	尖	香	曰	相
	外	堠	五	峰	山	黃	山
	泊	榴	峰		場	巢	左
		花	東			文	祖
						峰	

香山縣志

卷之一

鳳山即小欖山去縣北七十里峰巒秀峙紆而西指蘊
靈盤結有泉石之美山下有翁陔園
圓欖山在縣北七十里
浮虛山在縣北七十里平潔峙海中隨波上下因名八
景浮虛春濤
右大欖都西北七十里內
永泰山在縣東北海中一百里大海之東曰三用大海
之西曰坡頭皆護浮虛
大塔山在縣西一百里大黃涌村高突以形似名其陽
聚平山民耕其上
馬鞍山在縣西一百二十里形勢雄峻為郡治案山
烏洲山在縣西北一百里海中
百富山在縣西北八十里海洲村
古鎮山在縣西北八十里海中
香山縣志 卷之一 十三
右山黃旗都西北八十里內
黃楊山在縣西南七十里負北面石山幽深峻極宋鄧
光薦避元亂於此結廬隱居其陽有赤坎岡張世傑
所葬地有赤坎村大人嶺烽堠
荔枝山在縣西南八十里山多荔枝因名其陽有林子
後嶺烽堠
龍歸巖山在縣西南九十里相傳宋有結庵者今湮
高城山在縣西南六十里高峻森叢疊岫層巒周迴如
城郭元末民避寇居之
右山黃梁都西南八十里內今黃梁都於康熙元年
奉遷未復
九星洲山九峰分峙多石巖石屋靈草石上溜水甘美
為番船往來所汲曰天塘水
零丁山下有零丁洋文天祥詩見藝文志

金星山二峰相峙趨向如龍中有小嶼如珠
小橫琴山下有雙女坑舊志樵夫見二女就視之化雙

大橫琴山幽峻為寇所伏元末海寇王一據之洪武二
十八年寇平詔虛其地

深井山即仙女澳也亦名井澳在橫琴下宋端宗御舟
嘗至此景炎二年十二月帝舟入海至仙女澳丙寅

風大作舟敗幾溺帝驚悸得疾嘗一却元兵於此
三竈山三石形似故名與橫琴相對皆抵南番大洋本

宗黃字上下二圍元海寇劉進據之明初寇平復入
黃梁都有田三百餘頃皆極膏腴編民糧差後居民
吳進深通番為亂洪武二十六年都指揮花茂奏殲
渠魁悉遷餘黨其田永不許耕
以上諸山康熙元年奉遷

香山縣志 卷之一 十四

右在南洋不在版圖者其諸島今列于左曰
小湖洲 馬盾山 大磨山 小磨山

大羅洲 小羅洲 白焦岐石為海旁 焦鷓洲
芒洲 散洲 白藤洲 鷓洲

桑洲 赤洲 擔竿洲 南山亭
竹洲 粉洲 大托 小托

大淋洲 小淋洲 文灣 連灣
二灣 三門 浪白 倒觸

宿聚 鬼叫 皋蘭 鹿脰
潭洲 鷄籠 王魚石 有王
知洲 嶼 丫洲 錫坑 多山 麋鹿 特神
箔洲 攣洲 游魚洲 大金山
東中水曰內十字門 小吉山之西 北中水曰乾

澳山山之東南西對橫琴水中曰外十字門其民皆島
彝也今遷

石岐海在縣西北地接浮虛南入洋八景石岐晚渡
港口在石岐上流水小而淺湖平可濟汐涸則難乃北

鄙之咽喉也正德間為寄庄豪右所築今通之
分流海在港口上流東注於東洲門北通於廣

浮虛海在分流上源勢若滔天號為巨浸
倒流海在浮虛之上其中巨嶺激水湍急迴流深險

小黃圃海衆水輻輳水寇之衝舊置巡檢司民稍安堵
今宜專哨鎮守以握其衝

象角頭海在縣西二十里西接罽鮑瀝北連大欖其勢
汪洋風起浪湧舟不可艤晴則水光接天往來晏然

第一角海在縣南海門淺隘南抵大洋乃縣南之咽喉
也明初都指揮花茂防寇於此民呼曰花夫人馬頭

香山縣志 卷之一 十五

烏沙海在三竈東成化中番船侵擾歲令官軍千人防
之

大龍潭在庫涌村後山頂有潭飛瀑舊傳有靈物蜿蜒
出入人或見之歲旱致禱或龜魚出則雨今不驗

蜺涌在沙岡頭東自庫涌西北濠赴於海宋端平中縣
令梁益謙決以導田自縣東襟帶環繞

梅花水在縣南五十里合烏巖香爐白銀等水西為橫
坑入北壹海罽龍水西出又西合梅花水

白銀水在縣南八十里溪旁有銀樹西北合梅花水入
於海

春坎坑西北合梅花水長江水北出又北合神涌水入
於海

金斗灣在恭常谷字都界水頗濶海物錯出故名
疊石海在縣西五十里旁有巨巖鄉人置蠓斲魚口採

捕鮮物邑人利之
石溪在縣東一百五十里谷字都有水如瀑布
銀涌在縣東一百五十里有石如龜每潮生石上浪花
如銀因名
橫坑水在縣南五十里乃梅花諸水之總流也
宮花水在縣東二十里出自長江山衆流之源灌溉得
能一都之田歲旱無患
天井湖在恭常都下柵村自南山竹門瀉出下深二丈
許其水清澈歲旱鄉人取湖水至旱福場祈雨立應
旱福場在縣東九十里恭常都下柵村石牛潭側鄉人
以石為壇或歲旱於天井湖取水至場用水牛一隻
燃火四旁迫之半狂觸場中於是地損水動祈雨立
應

水色近縣治以北者清且紺前山近洋則碧而黑若西
漲暴下則黃濁惟黃濁故海旁多積淤以成田碧黑者
其性勁其味鹹故煮之成鹽下海之船日以輕者水鹹
且勁入木而堅其質故也其土五色上多黃下多紫兼
有赤埴白壤焉

香山縣志

卷之一

十七

井東

大井在縣治西北仁厚街

義濟井在縣治西六十步宋貢士鄭度穿

沙井在西門內武山下其泉自石中出其美可愛

白水井在縣南一里地名沙岡頭其井最古鄉人共汲

黃婆泉在縣南二里許味清冽鬪茶家皆取汲於此蓋

舊志云黎家巷即此處

以其近也

象乳泉在縣南十里飛鵞山之北味甘冽小嶺僧慧融

掬之而甘因闢焉

萬年井在蓮峰麓今涸

冬滿井在義祠後石山下夏平冬滿因名

溥惠井在縣東北丫村集真堂前舊志集福去

滿水井在縣東七里佛仔屋下泉湧不息味清美

香山縣志

卷之一

十八

長命井在縣東小北丫村三里

漢水井在北山村

金紫泉在縣東十里味甘冽與巖溜相去百餘武差勝

金竹泉在縣十一里味較金紫差冽

大井在龍眼都濠兔村與潘家村相對四面澄徹歲旱

灌漑田苗

潘家井在龍眼都潘家村深尺許底有沙如珍珠泉水

上湧不合晝夜行人將近一二丈冷氣侵迫其流灘

漑鄉田五六頃入於海

紫馬泉在縣東十餘里出紫馬嶺下因名

丹泉在縣南八十五里五桂山攀天嶺之石巖味香冽

翰香泉在縣西南八十里陳公石之左

五眼井在縣西南八十里茅灣村下冬暖夏寒與溫泉相望

龍井在縣西南八十里谷字都山上天然石甃也深約

開元雨日不見二丈濶山頭二丈餘雨盛則垂水天晴則懸瀑
泉時來在縣北七十里小欖之飛駝山
舊志黃裳有隨

香山縣志

卷之一

十九

潮汐

候潮之法以太陰每日所躔天盤子午卯酉之位而定
其消長月臨於午則為長之極歷未及申酉則為消之
極消極復長以至於子又為長之極自是至卯而消復
至於午而極盛此其大較也然月順天右行積三十日
始一周天每日臨子午卯酉四位時有先後故潮因之
亦有晝夜早暮之不同云香山水國也潮汐分為五節
初一初二初三初四初五初六
時汐夏戌冬子春秋亥時此則謂之平初初四初五初六
十九二十二二十一曰潮夏巳冬未春秋午時汐夏亥冬
丑春秋子時此則謂之落水勢徵劣初七初八初九二
十二二十三二十四曰潮夏寅冬辰春秋卯時汐夏申
冬戌春秋酉時此則謂之敗魚蝦退散罟網不施初十
十一十二二十五二十六二十七曰潮皆同上惟春則

香山縣志

卷之一

二十

巳時汐皆同上
惟春則亥時此

則謂之起種植醞釀醫灸忌行十三十四十五

二十八二十九三十曰潮夏卯冬巳春秋辰時汐夏酉
冬亥春秋戌時此則謂之旺其期與閩楚不同蓋地氣
使然宋余襄公言晦望前三日潮勢長後二日勢極大
即此起旺之期月弦之際潮之去來合沓不盡即此落
敗之期俗亦曰合踏水蓋潮勢微劣不能進退也

陵墓 皆仍舊志

宋疑陵在縣南五十里壽星塘北其蹟五處在墳頭岡者號大墓行朝錄云祥興元年九月壬申朔葬端宗於崖山陵曰永福則此為疑陵明矣藍遺黎為之諱其處也又有全太后疑陵在縣南梅花水坡上宋史載全太后與瀛國公入燕後削髮為尼卒於北口嘗南來也

舊志宋末航海至元十四年十一月移師香山宋太后全氏殂殯於梅花水出殯之日棺槨數十父老鄉民莫得而近焉

宋太傅張世傑墓潮居里赤坎村說郭云世傑當景炎帝殂復擁立祥興於海上與元張宏範各軍於南北岸一夕忽大風雨戰皆不利世傑舟覆而薨翌早諸軍棺斂焚尸島上傑胆大如斗更焚不化諸軍號慟須臾雲中現金甲神人大聲云太上以我馳驅關係不小已多方措設恢復矣由是諸軍心皆不移葬之

香山縣志

卷之一

二十一

赤坎村陸秀夫作詩挽之有句云曾聞海上鐵斗胆猶見雲中金甲神蓋忠義英烈雖亡猶耿耿也秀夫從龍於淵蓋在世傑之後云相傳謂世傑葬陽江縣潮居里赤坎村今考陽江無此里亦無此村則此為真墓無疑矣

明副使黃鑰祖墓在蛤婆嶺

明知縣黃瑜祖墓在大北丫山父墓在壽星塘

明大學士何吾騶墓在縣北七十里小欖村鳳山曾祖

誥贈大學士何純墓在縣南五十里黎村山祖誥贈

大學士何世睿墓在縣北七十里大欖飛駝山父誥

贈大學士何述鉉墓在縣南二十里鹿鳴嶺

氣候

香之風氣與廣郡同蓋炎蒸嘗熱風雨暫寒其生嘗早其肅嘗遲何者偏方土薄故陽燠之氣常泄瀕海地卑故陰濕之氣常盛陰陽之氣既偏而相搏故一日之內氣候屢變晝則多燠夜則稍寒一歲之間暑熱過半窮臘久時或至搖扇夏月連陰復生凄寒地使然也漢書曰楊粵之民其湊理疏其性耐暑者此也物生其間冬嘗宣泄肅而不嚴氣不收敛故也若夫夏月暑雨天昏如夕東北疾風揚沙走石名曰青凍天黑無雨西北風駛其聲如雹一日而止名曰赤游天容澹澹日光漸現無雨而風旋起旋變名曰狂龍夏秋之交日光漸減四風挾雨不雷不電名曰颶母作則伐木發屋人無寧處損稼敗舟其禍彌酷然或一歲一見或屢歲一見颶風

香山縣志

卷之一

二十二

之起也先東而北其止也回南蕩西必四風齊歷晝夜而息此則廣郡所同然也吾故論其氣候而附述月令

生物農事於後以備考焉
孟春之月東風徐來桃李盛花柳眼微青生菜秀柔桑可采老圃種薑剪韭仲春之月農播早穀燕子時至木綿橘柚以次花早蠶抽絲雷發聲螻鳴蚯蚓出秧針微綠季春之月南風至解褐衣袷李與枇杷子熟催耕鳴蛙鼓噪農夫急蒔孟夏之月黃梅雨榴花明紫菱出水早荔可食仲夏之月荔子丹芒菓熟花下割藕早穀登場穀名拋犁望自種至熟九一百日季夏之月姜萬新龍眼熟蘋波解殼是月也新谷全穫農種晚稻孟秋之月桐子結實香櫞橄欖皆登晝燠夜涼仲秋之月芙蓉開桂芬馥梨栗熟月下剝柚解芋秋粘始穫季秋之月菊盛開蘋花繡渚農收大粘孟冬之月蔗甜橙黃橘綠晚稻全登是月也

氣乍寒乍燠衣急脫急着仲冬之月微霜下丹楓不落
山花時放是月也農練谷屯困涸塘以漁季冬之月朔
風栗烈梅花盛放玉蘭解芥葛可食上農舉鋤為開歲
計南風微至青陽漸暢

香山縣志

卷之一

二十三

風俗

邑民稟出海之氣土薄水駛其氣清其質柔其音唇舌
其聲羽其調十里而殊或有客話有東話客話自城
內外及恭常之半為一通於四境東話良字之半及
龍得四大等為一外有谷字近於潮閩譯以客話乃
通城中或近於廣而音稍重惟小欖音近郡城黃旗
之半近順德又其半及黃梁古鎮近新會其習尚
則重族閥閱必論世系富而非類者不與婚古有以
金銀之餽分貴庶男子之履履分良賤今則無矣
其人民惟習詩書事農圃不務工商土曠人稀生
理鮮少家無百金取給於漁農田園貧者佃富人之
田服其力役曰入倩舊謂田主曰使頭自稱曰田客
其後反以佃戶之首為使頭以別於田主織縫貿販
東筦之民也耕穫版築新會之民也斧斤木石順德

香山縣志

卷之一

二十四

之民也皆僱覓為之無務工商者其禮度男女
冠笄一遵古制婚姻以栳榔為禮富室益以金帛
數年不喪循家禮間有用浮屠者大家有溺風水者經